

Vae veere zi-j aan zi-j - Ronald en Carien

Tekst: Robert Janssen , Muziek: Ronald Moonen / Robert Janssen

Koeplet 1

Vae gaon mét vastelaovendj mèt z'n alle lekker oet,
inne schoeënste kluuëre
Vae duike good gemötsj en mét 'ne glimlach oppe snoêt,
in dit fieëstgebuuëre
D'n eine maaktj zich dan e prachtig pekske
D'n ângere dae vong iets, in e wînkelske
Eîn dînk és te gek; vör edereîn és plek!

Refrein

Vae veere zi-j aan zi-j, vae veere same heej,
en doon det lekker dicht beejeîn.
Heej weurtj 'm good geraaktj en völ plezeer gemaaktj,
doeër joonk en aod, doeër groeët en klein
Vae duike mét z'n alle in di-j vastelaovespracht,
En laote alles knalle daâg en nacht.
Vae veere zi-j aan zi-j, en veere same heej,
't és nog lange neet vörbeej

Koeplet 2

't És haost neet te gluïve mer toch és 't zoeë det vae,
beej mekaar good passe.
Vör alle veeders és d'r plaats, vör dich en di-j en dae,
en det és toch klasse.
Dus gaotj as kojboj, of as indiaantje,
Verklej dich wi-j e bleûmke: kom as afrikaantje.
Eîn dînk és te gek; vör edereîn és plek !

Refrein

Tössestök:

As ich mich det bekiek, dan zeen ich dit:
det echte vastelaovendj van binne zitj.

Refrein

Vae veere zi-j aan zi-j, en veere same heej,
't és nog lange... neet.... vörbeej!